

*Contract, den syn Vader ſampt de anderen van Adel
und gemeene Lande mit olde Imelen tho Ooster-
huilen upgerichtes, geconfirmeert heft.*

I. **I**ck Edsardt tho Greetzyhl Hovetlinck bekenne
und betuige apenbaer allen de duffe ſchrift ſe-
hen, leſen, oder horen leſen ſullen, wo ick jegen-
woordich beveſte, und confirmeere alle de puncten und
articulen, de de Ummelande mit Imelen Hovetling
tho Grimersum und Oosterhuysen mynen leven Neven
hebben tho geſecht, und tho geſchreven, und wol be-
ſegelt, und Ick deſgeliken em voor my und alle de ge-
ne de um mynent willen doen ofte laten willen,
thoſegge und jegenwoordich beſegele, des ſo hebbe
ick Edsardt voorſz Imelen voorſz gelavet, geſekert,
und geſchwaren, und jegenwoordich lave, ſekere,
und ſchwere by minen waren trouwen in den hilligen,
Imelen vorgenoempt duffe voerſz beveſtniſſe und con-
firmatie und lavinge tho holden voor my, myne frun-
de, waer de beſeten ſint, und voor alle de gene, de
om minent wille doen ofte laten willen, ſtede, vaſt,
und unverbraken to holden ſunder alle argeliſt, und
nye funde, und hulprude, de duffen Breeff ergent mo-
gen tegen gaen. In orkunt der waerheit ſo hebbe ick
Edsardt voorſz myn Integel an t' ſpatium duffes Breefs
gedrucket Ann 1430. up St. Thomas avent des hilli-
gen Apoſtels.

*Was tyde 7. Edsard tho Greetzyhl de eerſte Heer des na-
mens mit idlike Hovelingen vor Uko Foccen. Ukens
ſohns huys tho Oldertum getaegen, und eenen
Contract als folget mit obns
opgerichtes.*